

Na osnovu čl. 8. stav (3) i 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", br.49/06 i 51/09), čl. 55. i 97. Statuta općine Ilijaš-prečišćeni tekst ("Službene novine Kantona Sarajevo", br. 20/09 i 46/18), te člana 99. Poslovnika Općinskog vijeća Ilijaš ("Službene novine Kantona Sarajevo", br.2/10 i 18/15), Općinsko vijeće Ilijaš na svojoj 28. sjednici održanoj dana 26.02.2019. godine donijelo je

ODLUKU

o dodjeli na upravljanje i korištenje sistema za video nadzor gradskog područja općine Ilijaš

Član 1.

- (1) Ovom Odlukom povjerava se na upravljanje i korištenje sistem za video nadzor šireg gradskog područja općine Ilijaš, Ministarstvu unutrašnjih poslova Kantona Sarajevo VII Policijskoj upravi Policijskoj stanici Ilijaš, sve u skladu sa izvedbenim projektom, a koji se sastoji od: bazne stanice, nazornih kamera, analitičkih kamera, uređaja za monitoring i pohranu video zapisa.
- (2) Sistem za monitoring i pohranu video zapisa instaliran je u prostorijama Ministarstva unutrašnjih poslova Kantona Sarajevo VII Policijska uprava Policijska stanica Ilijaš na adresi Ilijaš, ul.Hašima Spahića br.17/A.

Član 2.

- (1) Općina Ilijaš povjerava na upravljanje i korištenje sistem za video nadzor šireg gradskog područja općine Ilijaš, bez naknade na korištenje Ministarstvu unutrašnjih poslova Kantona Sarajevo VII Policijskoj upravi Policijskoj stanici Ilijaš na neodređeno vrijeme.

Član 3.

- (1) Ministarstvo unutrašnjih poslova Kantona Sarajevo VII Policijska uprava Policijska stanica Ilijaš dužan/a je da sistem za video nadzor definisan u članu 1. ove Odluke koristi i upravlja pažnjom dobrog domaćina, a sve u skladu sa važećim zakonskim propisima, kao i da snosi troškove održavanja i funkcionisanja sistema.
- (2) Općina Ilijaš se obavezuje da će finansirati dalji razvoj sistema i njegovo potpuno funkcionisanje.

Član 4.

- (1) Ministarstvo unutrašnjih poslova Kantona Sarajevo VII Policijska uprava Policijska stanica Ilijaš dužna je uz godišnju Informaciju o stanju kriminaliteta, javnog reda i mira i saobraćaja na području općine Ilijaš dostaviti Izvještaj o stanju sistema video nadzora šireg gradskog područja općine Ilijaš i efektima njegovog korištenja.

Član 5.

- (1) Daje se saglasnost općinskom načelniku da može potpisati sve potrebne primo-predajne akte sa Ministarstvom unutrašnjih poslova Kantona Sarajevo.

Član 6.

- (1) "Izvedbeni projekat sistema video nadzora šireg gradskog područja općine Ilijaš" čini sastavni dio ove Odluke.

Član 7.

- (1) Ova Odluka stupa na snagu danom objavljivanja u "Službenim novinama Kantona Sarajevo".

Broj: 01/1-02-_____/19.
Ilijaš, 26.02.2019. godine

PREDSJEDAVAJUĆA
OPĆINSKOG VIJEĆA ILIJAŠ

Alma Omerović, BA nov.

OBRAZLOŽENJE

Pravni osnov za donošenje Odluke o dodjeli na upravljanje, korištenje i održavanje sistema za video nadzor gradskog područja općine Ilijaš, sadržan je u čl. 8. stav 3., 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", br.49/06 i 51/09), čl. 55. i 97. Statuta općine Ilijaš-prečišćeni tekst ("Službene novine Kantona Sarajevo", br.20/09 i 46/18), te članu 99. Poslovnika Općinskog vijeća Ilijaš ("Službene novine Kantona Sarajevo", br.2/10 i 18/15).

Programom rada Općinskog vijeća Ilijaš nije planirano donošenje ove Odluke, ali se donošenje iste, pokazalo potrebnom iz razloga što je instaliran video nadzor gradskog područja općine Ilijaš.

Predlažemo Općinskom vijeću Ilijaš da Odluku o dodjeli na upravljanje, korištenje i održavanje sistema za video nadzor gradskog područja općine Ilijaš donese u dostavljenom tekstu.

PREDLAGAČ: Općinski načelnik